

LOU GALETOU

Direci, redaci, administraci : 21, rue d'Aisso, Limoges :: Téléphone 58.46

Troisiemo annado ■ Limerô 6
lou limerô : Hue sôs - (no vei per mei)
Abounamen : un écu de 5 francs

JUN 1937

"Per dehaignâ lous Lemouzis"




Photo Jové

Qu'ei dins no vieillo galefieiro qu'un faï lous meilleurs galefous :

Veiquî lo pâto dau galeto de JUN :

UN TRABAI MALAISA	FRANCÈS.
LO VENGENÇO DE CHALI	LOU VIEI MARSAU.
LOUS ADISSIONS, CHANSOU	JEAN REBIER.
MUSICO DE LE GENTILE.	
L'HONOUR DE MOUSSUR LAU MAIRO .	E. RUCHAUD.

LOU BUJADIER	JEAN DE GLANO.
L'ERBOLIO	JEAN DAU MAS.
AUVEIS TOUS	
CO FAI TOUJOURS PLASEI	LO DIRECI.
LOU CHAMI DE FER BOUN MARCHA	

et caucas zinzouenas

A NOTREIS ABOUNAS

Quant v'autreis verrez sur vôtre journâu un cachet bleu que dit : VOTRE ABONNEMENT FINIT AVEC CE NUMÉRO, ne perdez pas de tem, mettez 10 timbreis de 10 sôs dins n'envelopo e votro adresso e renvouyâ lou tout au Diretor d'au "GALETOU", 21, rue d'Aixe, Limoges, autromen lou journau ne riborio pas !

BEVEZ LOUS NUVEUS
SODAS LAPLAGNE
 Pur sucre - Digestifs - Rafraîchissants

Queto ve lou Printem ei ribal ! Qu'ei lo sasou de las baladas.
 Faut se mettre fier....
 Per esse fier et fâ caprice a las piroundelas faut nâ troubâ :
Paul DUMONT, Tailleur
 13, boulevard Victor-Hugo LIMOGES

UN TRABAI MALAISA

Per sous affâs, Tony Panchei
 Antan, faguet un loun voyage :
 O net trei jours à Limogei,
 Laissant lo Netoun ô village.
 Dounç, douas nets, ô coueijet tout sou
 Dins n'auberjo, pleinô de mounde
 Douas nets qu'ô fuguet malhurous.
 Et sufriguet, vous n'en répounde !

Lou prumier sei, tout rejôvi,
 O demouret lountem à tablo
 En ciapassant coum'un vesi
 Qu'avio no fennu bien aimable.
 Sitôt mounta, vers lo mie-net,
 Pensant dermi coum'un sounaire
 Dins soun liet, ô se gourinet.
 Soun prumier soum ne duret gaire !
 N'auvio-t-eu pas, tout près de se,
 De l'autre biai de lo muraillo,
 Gemâ, planiei, craquâ un liet.
 Que n'oriâ dit cauco bataillo !
 Co se retâvo per momen,
 Vite, Tony n'en proufitavo...
 Mâ n'in vio pas per bien lountem,
 Et, sitôt, co lou reveillavo.
 « Quau vito, se disio Panchei,
 N'ai moun aise, de queu tapage
 Ne vole pas per demâ sei,
 Gardâ entau queu vesinage. »

Lou lendemo, sei trop veillâ,
 Panchei mounto dins so chambretto
 Qu'ô vio gu soin de fâ, channâ.
 O vai dermi, mâ, ô s'arrêto :
 Countre lou mur, ô met soun chai :
 O vet d'aurvi no vou bien douço
 Que dit tout nau de l'autre biai :
 — « Vai doucomen... à qui... là... pousso. »
 — Ah ! noum de noum ! juro Panchei,
 M'en suvendrai de queu voyage !
 Me veiqui tourna coum' arsei !
 Lou vau rencura moun vevage.
 — « Co ne rentro pas bien ô foun,
 Torno lo vou. Auvo, moun Gêno,
 Mounto dessur, tendrai d'aploum... »
 Co se secou et se démeno :
 — « Mâ, co ne rentro pas dau tout !
 Fai tout d'un cop no vou pus forto.
 Mounto dessur, te, mo Ritou.
 Me crevorio de quelo sorto ! »

Tony Panchei rit de boun cœur...
 Pus de dermi, soun ei petillo.
 Lou cau de is siro venqueur ?
 Qu l'hôme n'ei plo mâ no rillo !
 — « Oh ! co ne rentro toujours pas. »
 Dit lo Ritou, que n'ei gro fiero,
 — « Pertant, fô be io fâ rentrâ :
 Chauchou pus fort, buto denguero. »
 — Co n'en vò pas, fai lo Ritou,
 Ne vese pas d'autro maniero,
 Que de mountâ dessur tous dous. »

N'ai jamai vu chauso poriero !
 Tous dous dessur ! penso Panchei,
 Coumo ant-is fâ, van-t-is pechei ?
 Ras lou plafoun, dins lo muraillo,
 Nio daus carreus de loin en loin.
 Notre gaillard, de bouno taillo,
 Po l'y grimpâ eisadomen.
 De qui, ô veu... fô co io dire ?
 Ne voudrio pas vous fâ rougi :
 Dous vieis... ne fô pas trop n'en rire.
 Dous pitits vieis, châbas, cheitis
 En trin... lo chauso n'ei pas râlo
 Quant un ei trop dins l'embarres,
 De se... sicliâ sur uno mallo,
 Per essayâ de lo barrâ !

FRANCÈS.

AVIS

Quauqueis abounomens que
 sount châbas n'an pas denguero
 eta renuvelas. N'an renvoya lou
 journau tout pareï, mas coumo
 l'imprimaire nous fai payâ no nu-
 velo aumentaci, nous van eissei
 oblija de lì visa de pus prei. Lou
 meï que ve, lous abounas que ne
 siran pas a jour n'auran pus leur
 « Galetou ». Lou diable mais leur
 aumentaci ! Co fai vei chaû per
 fas lous galetous, et ne pourriâ
 belomen pu beure chopino...

Chaz

J. CAMUS, 4, Boulevard Louis-Blanc (Tél. 59-89)

nia tout ce que fai per lous amatours de T. S. F.

En soun **G. M. R.** un auvo toit, un coumpren tout, lou
 francei mai lou patouei.

Lo Mili avio balia rendez-vous diomen à 3 horas dins lous
 bos, au Grand Jeantou de lo Lando. Lou Grand Jeantou ritet
 trop tard, lo Mili erio partido. Co li orio pâ arriba, si ô vio gu
 no moutro de chaz

Martial LAROUDIE, 13, Rue Darnet - LIMOGES
 un daus meilleurs relougers de lo villo.

Dins notre païs un minjo bien, mai un beu bien. Mâ per io troubâ meilleur fau minja dins de las chieitâ de porceleno de Limogei.

Las pus bravas sount be chaz

P. PASTAUD, Musée des Porcelaines, 14 à 18, rue Jules-Noriac
Naz veire soun **MUSÉE**, v'autreis li troubarez tout ce que nio de brave en fe de porceleno et v'autreis chôsirez a votre goût.



Peichadours ! Veiqui lo sasou ente fai boun se divertî au bord daus rîs.

N'oblîdez de nâ fâ un tour chaz **CO-**
lox ente v'autreis troubarez tout ce que faut per rempli votro benato de bravais peissous.

COLOX, rue Adrien-Dubouché.

Pour vous, Mesdames, poissons rouges, aquariums, bibelots.

— Lo vengenco de Châli —

L'autre jour, ne poudio pû me tenei sur mâ pôbrâ chambâ, si tâlomen que là me fojan sufrî. Ne vio pâ marcha beuco, pertan. Mo fенно me disse :

— Qu'ei pâ eitounen, tu ne fâ ôtênci a re. T'a deugu prenei fre en caucoule. En quelâ cholour qu'ei tô fa.

Eibe, pertan, guei de lo chanço, co ne dûre, pâ ; en doujour co fugue possa. Mâ co me fogue sâvenî d'un' avanturo que ribe à Châli, lou fileur de châ Teodor. Voû sobei be queu que fogue lo blago de « Lo Chobiardo » que voû countei antan.

Doun Châli, coumo me, vio mau à sâ chambâ. O vai trouba un pouticâri que li dit :

— Vese ce que qu'ei, voû â de lâ doulour (Châli s'en doutâvo). Voû vô perporâ caucore. Siclia-vôu en otendi.

— Si gn'io per un momen, dit Châli, aimorio mier tournâ.

— Eibe qu'ei co, dî demi'ouro co siro preite.

Châli tourno n'ouro aprei. Lî vio ma lou garçou que netio lâ bouteillâ et fai lâ coumici.

— Quei aco que vou fô, dit-eu a Châli ?

— Qu'ei un remedî per mâ chambâ. O deu eisse preite. Sai vengu gn'io n'ouro, lou potrou m'o dit de tournâ.

Lou garçou viso dî lâ fiôlâ e lâ boueitiâ qu'un devio prenei e passo un piti poque a Châli en li disen : « Qu'ei coqui qu'ei per voû. Gn'en o per trei fran.

Châli paye e s'en vai.

O prengue lo poûdro qu'ero dî lo boueitio penden trei jour, de lo feïcou que qu'ero esplica dessur ; mâ co li fojo re à sa chambâ, soulomen ô ne poudio pu fâ soû besouen.

O tourno châ lou pouticâri. Queuqui lî erio pâ denguero, mâ Châli parle queto ve a l'enpluya qu'un pêlo, crêse, lou préparatour que li disse :

— Fosei me veire lo boueitio qu'un vou o bolia. O vigue dô prumiei co e disse :

— Co m'eitouno pa que co voû aye.re fa per vôtâ chambâ qu'ei de lo poûdro per reitâ lou mau de ventre. Un s'o trounda, venei tantô, lou potrou siro qui, voû li parlorei.

Châli ne reipounde pâ, mâ ô s'en ne en coulêro :

— I se soun' foutu de me, se disse-t-eu, mâ i ô poyoran. De segur, i ô poyoran !

Lou lendemo, ô mounto sur lou chan de feiro ent' un vendio lou bouei. O châto no pîto choretado de quartier e dit a l'ôme que lo vio menâdo : « Seguei me. »

Châli lou meno noun pa cha se, ma dovan lo boutico dô pouticâri. Lo croiseyo de lo cavo erio deiberto. Qu'rio dî queu foun qu'un perporavo lâ mertî. Lî vio qui tou ple de bouteillâ, dô toupi, dô gâgei de veire, dô tudeû. Sabe iô toutâ lâ besugnâ que li vio. Mâ li fojo bru, e co se vejo pas bien de defôro.

Châli dit a l'ôme dô bouei, en li fosan veire l'entrajo de lo cavo : « Viša, voû n'a ma cougnâ vôtre bouei lendedin. Vô mountâ quere l'argen per vou poya.

Châli passo dî lou colidor dô pouticâri que sertio dî no ruo de l'autre coûta e laisso lou peizan decherja soun bouei. Queuqui prenio lou trau de bouei e lou foutio dî lo cavo Ah ! co fojo brave. Brin ! brau ! bradadin ! bradadau ! Lou bouci de bouei ribovan sur lâ bouteillâ, sur lou gagei de veire, co coufoundio tou. Voû vesei d'aqui lou brave trobai.

Lou pouticâri auvo lou bru, ser de so boutico e trapo lou peizan per lou cô :

— Ah ! miserâble, conalio, que fâ-tu ? Eico que tu sei fô ?

— Ma, moussur... iô fô ce qu'un m'o dit... Qu'ei n'ôme... que resto dî vôtro mijou... que m'o chota queu bouei... O m'o dit de lou cougnâ... dî quelo cavo... O o mounta queri l'argen per me poya.

— Qu'ei me que te vô poya, brigan !, disse lou pouticâri, que bourâvo sur lou molurou.

Dô mounde que possôvan lou separèren. Châ lou coumissâri tou chobe de s'esplicâ. Lou peizan fugue fourça de poya lou degâ et d'entournâ soun bouei. Jomai pû un lou vigue sur lou chan de feiro e Châli, counten dô meichan tour qu'o vio juga, ne tourne pû jomai châ lou pouticâri.

LOU VIEI MARSAU.

Las liquours las pus finas, tous aperitifs, tous pus sabourous, lou rhum JAMA, qu'un pelo lou « chasso-grippo », lou FEUILLANTINE, lou ROYALET (aperitif fraises et framboise), lou ROYALS (cacao et vanille) se trouben chaz

AFARGE - REBOUL, 14, Avenue Emile-Labussière

Qu'ei be per fâ plasei au GALETOU que Moussur Paul Jouhaud fai de lo reclamo sur notre journau : ô n'o gro metier.
Tout lou mounde lou coundei, qu'ei un brave home, aisa parlâ, plasen et moucandier et round en affâ. Nâ li chatâ n'automobile, no T. S. F., o be lou gaz Butane, v'autreis ne sirez pas troumpas et o vous faro daus prix counvenables.

ÉTABLISSEMENTS JOUHAUD, RUE GUSTAVE-NADAUD, TÉLÉPH 54-25
LA MAISON DES " FORD "

LOUS ADISSIAS

Parolas de Jean REBIER

Musico de André LE GENTILE

Andantino 3 *p*

Lousque se - guian à pi - tis
pas Lou sen do - reu que vai trou bâ Lo grande
rou - - to Lo grande rou -
to Co n'e ro dou s que n'a u vian pas, Lou beu di -
lu de Pan de - gou - to, Co n'e ro dou s que n'a u vian
pas Chanta lo cail - lo dins - lous blas.

I

Lous que seguian à pitis pas
Lou sendoreu que vai troubâ
Lò grando routo (*bis*),
Co n'ero dou s que n'aurvian pas,
Lou beu dilu de Pandegouto,
Co n'ero dou s que n'aurvian pas
Chanta lo caillo dins lous blas.

II

Lo li dislo : moun bel ami,
Après queû bouci de chami
Faut que te quitte (*bis*),
Ah, juro me no ve de maiś
— Moun Di, coumo tu marchas vite !
Ah juro me no ve de maiś
Que tu m'oblidaras jamaïs.

Fai plo boun a lo campagno en queto sasou ! Nâ fâ un tour a Las Plaças, tout près de Neissou. A 3 kilomètres, v'autreis troubarei un coin tout à fe plasen :

L'Etang de Puycheny


qu'ei plet de peissous.

Per peichâ, s'adressâ ô gardo.

- Dijô, Tiennissou, tu seis be trop fier depei cauek tem. Per moun armo, t'as rajeuni ! Qu'as-tu dounc fa ?
- Viso mas dens !..
- Be sount las bravas, t'erâ tout berche pertant ?
- Plo, mâ iai na veire Moussur

Robert BEYRAND, 38, Place des Bancs, Limoges

Ei co douba co, drôle !



III

Bello ne puras pas si fort,
 Iô vau gagnâ toun aneu d'or,
 Tu sirâs nôvio (*bis*).
 Te menaraî devant l'autar
 Quand tourneraî lou cuer en joio.
 Te menaraî devant l'autar...
 Adî, m'en vaû, qu'eï déjà tard.

IV

O t'aîmo et pertant ô s'en vaï...
Embrasso lou no ve de màis
Qu'eï lo darreiro (*bis*).
Quant ô siro dins queû Paris
Tournaro-t-eu paubro bargeiro ?
Quant ô siro dins queû Paris
Adì so mio et soun païs !

Nous n'au pas metier de vous dire que quelo chansou se vend chaz Jean LAGUENY, boulevard Carnot.

Quand lou vi ei boun beurlâ quand n'auriâ pas se.
Si vaureis voulez de boun vi, baillâ votro prafico à...

René JACQUET

**60, avenue Adrien-Tarrade
LIMOGES** Tél. 42.93

Soun vi. qu'ei de las chansouns en boutefillâs !

Quant un ei bien chaussa un ei aisei et beucop pus fier.
La meilleur chaussuras et las pus bravas qu'ei be las

Chaussures BOURDEAU

4, rue Pennevayre - LIMOGES

Nas lis per essaya v'autreis sei segur de li tourna

Nio pus mouyen de sorti sei paraplu. N'en fô toujours un et salide per mour que lou ven lou devirorios. Nas chaz

F. GARNIER, successeur de PEJOUT

8, rue Haute-Vienne,

à Limoges, v'autreis sirez bien servi.

O ven aussi de las cannas mai de l'ombrelas per l'eiti.

L'honour de Moussur lou Mairo

Noû viven din un ten ent' un vô changeâ tout :

Lo môdo se fourou pertout.

Oro fô per blôda, mai plantâ no pourado,

De lo grano « selectionnado ».

Co noû ve tout dre dô vilau.

Qu'ei molurou. Ma qu'ei entau.

Alei doun din lou bourg de Petossou-sur-Glano,

Nio cauque ten

Is vougueten

Essoyâ no nouvelo grâno.

Per fâ eisi,

Is vian chôsi

Un piti coin dô champ de feiro

Ente l'i vio de bouno tero.

Ma, un beu jour,

Un âne lur juge lou tour

De s'en veni gagnâ l'ovenô

Just' ent' i vian prei tant de peno.

Ce qui vian fa

En re de ten fugue deifa.

Toû loû obitan dô village

Vengueren veire lou doumage.

L'âne posset en jugeomen.

L'un deicide, per châtimen,

Ole de li foute no danso,

De lou fâ ecliotâ en l'y uflant so pансo !

Eitobe, lou l'endemo mandi

I fogueren coum' is vian dit.

Lo beêtio fuguet eitchâdo.

Un l'i tengue lo couo levâdo.

E din soun cu, parfaitomen,

Per l'y bufâ aisadomen

Un enfoucet no grando paillo.

Loû pitî, loû gran, lo marmaillo,

Omei, fennâ, toû quî dô bourg,

L'y buferen chacu leur tour.

Lou dorei que posset fuguet moussur lou Mairo.

Mâ ô troubet lo chaus(o) amero

De mettre sâ bouchâ ente toû loû autreis

Ovian mettu lo lour. E plo, voû counpreneis.

Quand un ei magistrat de Franço,

Fo fâ veire soun impourtanço

Lou bujadier

Lou jour de lo Saint-Loup, lo feiro fuguet vaillento et bouono.

Chanchicou que li avio mena so vieillo Billardo, lo vendet cent ecus de mais qu'o ne cresio. Eitabe o ero si counten en lo tirant à l'abattoir qu'ô ne visavo gro ce que se passavo autour de se. O avio tort, et co vai plo li coûta char.

Veite qui qu'en ribant devant lou Tribunaû, no grossu damo, qu'avio no raûbo roujo, passet devant lo Billardo que n'aimo pas quelo coulour. D'un cop de bâno l'eisbret lo raûbo et coueijet lo damo que levet las chambas en l'air et faguet veire un brave eimâge, per moun armo !

Chanchicou tirâvo sur lo cordo, lo Billardo viravo sur plaço, et coumo lo paubro beitio qu'avio minja dau vert, s'eifoueiricavo, vous repounde que lo damo fuguet rousado coumo faut.

Un agent de villo ribet d'abord, l'aïdet lavâ et courguet trapâ au coulet Chancicou qu'ero tant blanc coumo no coueifo. Fouguet s'erplicâ et coumo l'agent li damandavo perque ô n'avio pas aida levâ lo damo, ô aguet no poraulo malhurouso :

Mettez-vous a mo plaço, moussur lou gapian : quand ai vu que la Billardo s'eifoueiricâvo sur quelo feno, l'ai trapano per lo couo per lo gandî, et ne poudio pas — pertant sei boun efan — levâ, de l'autro mo, quelo damo qu'ei tant grosso coum'un bujadier !

Un bujadier ? disset lo damo que vend dins lou gras et qu'ei plo fignoulerso, il verra comment je m'appelle, le bicanard. Je demande 900 francs de dommages et intérêts.

Lou paubre Chancicou, qu'o un fraî tessier à Oradour, offriguet be de fâ remplaçâ lo raûbo per uno bravo en blaudissou, mas co ne fuguet pas acceta. L'agent qu'ero chuca de se veî vu pelâ gapian devant tout lou mounde, prenguet soun noum et soun adresso, et co vai passâ en Justico, l'autre dimecrei.

Lou paî Burgnassou, lou pousso-cul, que li se counie, penso que faudro tout l'argent de la Billardo per payâ lo raûbo dati Bujadier.

Jean DE GLANO.

O seur lou bufadour,

Li fai fâ demiei tour,

Et sei vei pen degout

Bufo per l'autre bout !

Emile RUCHAUD.

Lous astronômeis daus journaus se troumpen suven, mas lous barometreis se troumpen pas, surtout quant is venen d'uno meijou de counfianço coumo

GAUTHIER-LAVIGNE,
13, rue Saint-Martial, Limoges. Téléphone 51.63

Courrez-li n'en chatâ un avant de coumença las fauchasous :
o vous faro plo gagnâ ce qu'o coûto.

Lou boun libréi !

5, place Fournier, LIMOGES

Téléph. 27.52

LIBRAIRIE PALISSON

E. DESVILLE, Succr

Lou boun papiei !

No drollo que s'en va en balado, bien maiado ei meta
maridado. Drolas courez vite chaz.

QUEYROI, 7, boulevard Louis-Blanc, 7
LIMOGES

per maiâ votre parpaï.

Lou magasin ei toujours en brando de flour coumo un
vargeâ au mei de Mai !

Gn'io pâ de pû jentâ fennâ que là Limousinâ.
Mâ là soun là reinâ do mounâ quand là pourten dô
ornemen de

chaz **VALÉRY, Bijoutier, 45, rue du Clocher**

Dî queu mogosin, diriâ que lou soulei li lusi lo ne coumo
lou jour.

Auvel tous !!.

Un nouâ domando de fâ un piti libre qu'un peche metre eizadomen dî lo pocho e ente li ôrio là pû brovâ gnorlâ qu'un o
enprima dî lou « Galetou » e soun armona. Qu'ei be no boun'
eideyo e co se coundrem que quant'un vai a d'uno nôço, a d'uno
feito ent'un vou domando de chanta caucore, o be de countâ
n'istorio, un ei suven enborossa. En queu piti libre vou n'òria mâ
lou tirâ de vôtro pocho e de legi dedin per amusâ lou mounâ.

Soulomen co coûto char. Queu qu'enprimo lou « Galetou »,
qu'ei be un omi, mâ ô ne po pâ troboya per re. Touporiei, nou
van eissoya de fâ posei a toû qui bravei Lemousi.

Oro, quau gnorlâ fô co metre dî queu libre ?... Nou an pensa
iô domanda a toû qu' que legissen nôtre journau.

Voû n'orei mâ eicrire ô Directeur do « Galetou », 21, ruo
d'Aisso, a Limôgei, en meten là gnorlâ que voû plasen lou mai,
dî l'ordre de vôtro couvenenço. Metei lou titré de lo gnorlo e, si
voû veoli, lou noun de queu que l'o fâcho.

Si co vai entau, eicrissei-nous vite, chôplâ...

Co fai toujours plasei...

« Lou Galetou » n'o pas d'autro embeci que de dehargnâ lou
mounâ, sei se mouçâ de degu, ni fâ de politico, que nous n'en
soun be prop empouesouna. Eitabe, quand lous coumplimens
riben, co fai plasei.

Entre n'autreis, sei nous vantâ, nous pourrian vous fâ veire
un ple palissou de lettras de felicitacis. Vei n'en qui quauqueis
boucis :

D'un medeci de La Roche-Posay (Vienne) :

« Un de mous amis m'o fa legî « Lou Galetou », e iai cuja
crebâ de rire. Veiqui mous cent sôs, abounaz-me vite. —
Dr A. G. »

D'un medeci de Paris :

« Je me fais un plaisir et un devoir de vous adresser inclus
le prix de mon réabonnement pour 1937, en vous exprimant ma
reconnaissance pour les heures agréables que vous me donnez.
— Dr J.-H. D... »

D'une damo d'au Calvados :

« Veuillez trouver, ci-joint, 5 francs pour mon réabonnement.
J'aime beaucoup ce petit journal qui m'apporte jusqu'en Normandie le parfum de mon pays. — Mme B... »

D'un employua de Saint-Yrieix :

« Je suis très heureux de pouvoir vous procurer quelques
abonnements, pensant contribuer ainsi au développement de votre
journal et vous encourager à nous trouver de bonnes histoires
pour nous distraire agréablement. — A. V. »

Lou chami de fer boun marcha

Per las vacanças de votreis Parisiens, lou journau « Le Limousin de Paris » (56, rue de l'Université, Paris-7^e, Téléphone Littré 16-32), organiso daus trains que parten de Paris et desserven mais de 400 garas daus Centre. Lous billets valables 90 jours jovissen de 50 per 100 de reduci. Qu'ei un boun affa.

Veiqui las datas de départ de Paris :

Juin : 25;

Juillet : 2, 11, 14, 16, 23, 28, 29 (train de jour).

L'erbolio

Quaque Tristan Bernard, qu'ei tant fi et tant moucandier,
countâvo darnieromen, dins un journaû, lou brave tour qu'arribet a d'un fidard Parisien qu'embrassavo so mio.

N'ai pas metier de vous dire coumo un fai queu trabaï,
v'autreis iò sabez mier que me. O l'embrassavo dins lous piaus,
sur lou front, sur lo jauto, darrei l'oreillo, sur las bouchâs,
et quant o avio chaba d'un biais, ô tournavo courmença de l'autre.
Mas quant o vouguet l'embrassâ dins lou cõ, o viguet, un pau
pus bas, lo pouncho d'un tetou que prenio l'air a lo feneitro
dau caraco, et que semblavo damandâ so part. Vous pensâs be
qu'o fuguet servi d'abord. Mas lo drollo se mettet de s'eijilâ.

— Ne credâs pas entau, disset lou Parisien, t'ai pas embruci.

— Tu ne m'as pas embrunci, faguet-lo, mas t'as suça moun
erbolio !

Ne faut pas se mouquâ daus autreis, et ni vous ni me ne soun
a l'abri de queu piti malhur, mas si co m'arribavo, vous repounde
que ne niro pas troubâ Tristan Bernard per io fa mettre sur lou
journau : qu'ei de lo vanita mâu plaçado !

JEAN DAU MAS.

Jarosso et Bourassou serten de l'auberjo ; is sount bien
soudous ; is se tenen sous lou bras et lour fô touto lo routo per
marchâ.

Au bou d'un momen, Jarosso se planto et dit :

— Fô que io pissee.

— Mai me, fai Bourassou.

Tout d'un coup Bourassou dit en rouquetant :

— Auvo... Jarosso... nio caucore que ne vai pa ?...

— Qu'ei o co ?

— Tu pissas bien et co fai dan bru sur lo routo; io pissee
ta be coumo te et n'auve re. Que vò co dire ?...

Jarosso que sen chaud lou loun de so jaro, li repoun :

— Co vo dire, bougre de saligaud, que tu pissas dins mo po-
cho...

Lou pai Chichouti o gu-lo-grippo, no meichanto grippo que
l'o empeichâ de minja penden 8 jours.

Quant ô anet paya lou medeci, ô li damandet :

— Coumo se fai co que iai pougu demoura tant de tem sei
re minjâ ?

— Lo feure nurri, pai Chichouti.

— Doun baillaz lo vite a notro pauchon, nio pâ mouyen
de lo dinâ.

Août : 3 (train de jour), 4, 7, 8, (train de jour), 11, 12, 15,
20, 27.

Septembre : 3.

Mas co n'ei pas tout. Si votreis Parisiens pouden veni boun
marcha au pays, v'autreis pourrez per gaire d'argent mountâ à
Paris veire l'Erposeci.

Co vous coutoro mât 85 fr. 25, de Limoges à Paris, aller et
retour, billets valables 20 jours.

Ecrissez vite au « Limousin de Paris », 56, rue de l'Université,
Paris-7^e, que se faro un plasei de vous renseignâ.

Tu seis fier coumo un petorabo Jan/issou !
 Tu preneis tous habis de noço per nà à lo feiro ?
 Tu te troumpas moun paubre Lionard... qu'ei daus habits
 de tous lous jours

Chaz DONY

en d'un viro mo un faî un moussur d'un touerau coumo
 me.

A. DONY

VETEMENTS POUR HOMMES, DAMES, ENFANTS

2, 4, 6, rue des Halles, 2, 4, 6, Limoges

Maison la plus ancienne qui ne doit son succès qu'à sa fidèle
 clientèle. — Téléphone 42-84.

NOUVEAUTÉS, DRAPERIES, TISSUS, etc...

LECOMTE-CHAULET

Place des Bancs, 19-21, Limoges

Un m'o di, l'autre jour, que quelo mejou tenio deipai cent-an. Beleu pâ tan. Mâ l'ei counegudo dî tou lou poi... e pu loin denguero.

Eimandi voulion veire lou potrou. Guei de lo peno a possâ per nâ li parlâ. Li vio do mounde, dô monnde, diria qui baillen tou per re. De vrai, per loû leinâgei, là nuveutâ, lo sedo, degu ne po li fâ coumo li. I chaten dô moudeloû de besugnâ a boun pri e tournen vendre a piti benefice. Quelou tou lou secre de lo mejou.

Nâ li no ye, voû li tournorei.

Un viei proverbe dit qu'a no
 bravo teito tout va bien. Qu'ei
 beleu be vraî. Mâs lous chopeus
 de chaz LEBUR fan mier que
 co : mettez lous sur no vorro
 teito, lo parei brâvo !

La Chapellerie
LEBUR
 et
LEBUR
MODES

Rue Adrien-Dubouché
 Les mieux assortis de la Région

Is disen que faut beure lo biero en eiti quand faî
 chaud. Bouei co faî per lo biero coumo per l'amour
 qu'ei toujours lo sasou !

Bevez quelo de
 qu'ei lo meilleur.

Bertrand-Mapataud

Les bières
Bertrand-Mapataud
 Route de Nexon, Limoges - Tél. 34-16

Chaz SENAMAUD ET SŒUR,
 un po trouhâ dau porto monndo
 ente sauten las pessas, n'io
 aussî de qui pitis sacs brenots
 qu'aiment tant la gentias fillas
 de notre Lemouzi.

SÉNAMAUD & SŒUR
 26, Rue Montmailler :: LIMOGES

Drolleis, per essei billas a lo
 modo et pas trop char, nâ
 troubâ :

Jean BOISSOU, Tailleur
 7, place des Jacobins, 7

et presentâs v'autreis de lo part
 dau « Galetou ». V'autreis sirez
 bin reqaabus.

Tout lou mounde ne pouden pas eissei fâ au mounle. Mas
 quis que sount gros o be un paû trop envierlas faran bien de
 nâ chaz LACROIX. Quant is n'en sertiran is siran drets coumo
 un i et tiers coumo Artaban. — Dins lous établissomens Lacroix
 un troubo tutto sorto de bandages et aussi de las ceinturas per
 tenei lo rantelo dau ventre. Adressas-vous sans crainto à
LACROIX FRÈRES, 28, rue du Consulat, Limoges. Tél. 16-15.
 Qu'ei no mejou qu'o mais de cent ans d'existenço !

Deipai que notro chambro ei tapissado en dau papier **Sanitex**,
 notro feno qu'ei pertant si dermillouso se reveillo en chantant
 et n'oblido jamais de m'embrassa. Queû papier Sanitex,
 ple d'oseûs et de flours, ecliars lo chambro. O semblo toujous
 niô, permour qu'un po lou lavâ en dau sablou sans tou bimâ.

Courez n'en chatâ chaz **GRANY**, lou droguiste de lo place
 daus Carmeis. Votro feno se reveilloro pus dabouro et faro
 de meilleur trabaî !

Nio pas d'erreur qu'ei no fâ entendudo, per etre billa
 de boun goût et per toutes las sosous, nio mâ no mejou,
 qu'es chaz

HENRI ESDERS

Rue Adrien-Dubouché, à Limoges

O vend boun et boun marchâ et n'ien n'o per toutes
 las boursas.

Le Gérant : François BEYRAND.

Is disen que tout ei char. Co n'ei gro vraî. V'autreis ver
 rez qu'un po vef no bravo garnituro de chambro per pau
 d'argent, si v'zutreis âs lo bouno edeo de nâ fâ no visito à

L' meublement Général

UNION DES FABRICANTS

Limoges, Place de la Motte, Limoges

Tout ce qui concerne
L'AMEUBLEMENT

Tous genres

■ Tous prix